

## 2013ko laugarren hiruhilekoan erlijio-ezkontzak %15etik behera

### **1.348 ezkontza egin ziren, urtebete lehenago baino %9,3 gutxiago**

2013ko laugarren hiruhilekoan, ezkontza zibilen proportzioa gehitu egin zen aurreko urteko aldi beraren aldean; 2012ko %80,8tik 2013ko %85,8ra, Eustaten datuen arabera. Urteko azken hiletan ezkontza zibilen proportzioa handiagoa izaten da udan (kanonikoak %31,9, zibilak %68,1) baino.

Urrian, azaroan eta abenduan 1.348 ezkontza izan ziren Euskal AEn, aurreko urteko hiruhileko berean baino %9,3 gutxiago. Bizkaian 667, Gipuzkoan 464 eta Araban 179. Erkidegotik kanpo bizitzera joan zirenen artean, 38.

Bizilekua Euskal AEn duten 1.291 gizonetzko eta 1.299 emakumezko ezkondu ziren. 1.113 senarrentzat (%86,2), lehen ezkontza izan zen; 9 alargun eta 169 dibortziatu berriro ezkondu ziren. Lehenengo aldiz ezkonduak emakumeen portzentajea pixka bat txikiagoa izan zen gizonena baino; kopurua, berbera: 1.113 (%85,7); alargunak 15 eta dibortziatuak 171.

### **Ezkonberri atzeritarren ehunekoa jaitsi egin da**

2013ko laugarren hiruhilekoan senarren %9,4 eta emazteen %13,1 atzeritarrak ziren. 2012ko laugarrenean, senarren %10,1 eta emazteen %14,3; azpitik oraingoan.

Sexu bereko pertsonen arteko 36 ezkontza egin ziren, urtebete lehenago 23 izan zirelarik.

Ezkontzak ezkontideen adinaren arabera banatuz gero, 2013ko laugarren hiruhilekoan senarren arteko %89,3k 30 urtetik gora zituzten; emazteen artean %82,1ek. Ehuneko biak aurreko urteko hiruhileko berean izandakoak baino handiagoak dira, aldi hartan %88,9 eta %78,9 izan baitziren.


Aurrera doa, beraz, ezkontzeko adina atzeratzeko joera; 2013. urtean senarren %86,3 eta emazteen %76,4 30 urte edo gehiagorekin ezkondu ziren; 2012an %85,2 eta %73,4.

2013ko behin-behinekoan eta aurreko urtearen aldean Euskal AEn bizi direnen arteko ezkontza-kopurua %8,9 jaitsi da; ezkontza zibilak ehuneko 5,3 puntuz gehitu ziren 2012koen aldean, guztien %76,4.

|                   | 2013ko 4. hiruhilekoa |              | Aurreko hiruhilekoa<br>(2013ko 3. hiruhilekoa) |              | Aurreko urteko hiruh. bera<br>(2012ko 4. hiruhilekoa) |              |
|-------------------|-----------------------|--------------|------------------------------------------------|--------------|-------------------------------------------------------|--------------|
|                   | kop.                  | %            | kop.                                           | %            | kop.                                                  | %            |
| <b>EZKONTZAK</b>  | <b>1.348</b>          | <b>100,0</b> | <b>2.495</b>                                   | <b>100,0</b> | <b>1.487</b>                                          | <b>100,0</b> |
| Kanonikoak        | 192                   | 14,2         | 795                                            | 31,9         | 285                                                   | 19,2         |
| Zibilak           | 1.156                 | 85,8         | 1.700                                          | 68,1         | 1.202                                                 | 80,8         |
| <b>SENARGAIK</b>  | <b>1.291</b>          | <b>100,0</b> | <b>2.414</b>                                   | <b>100,0</b> | <b>1.421</b>                                          | <b>100,0</b> |
| Ezkongabeak       | 1.113                 | 86,2         | 2.178                                          | 90,2         | 1.244                                                 | 87,5         |
| Alargunak         | 9                     | 0,7          | 15                                             | 0,6          | 17                                                    | 1,2          |
| Dibortziatuak     | 169                   | 13,1         | 221                                            | 9,2          | 160                                                   | 11,3         |
| <b>EMAZTEGAIK</b> | <b>1.299</b>          | <b>100,0</b> | <b>2.442</b>                                   | <b>100,0</b> | <b>1.445</b>                                          | <b>100,0</b> |
| Ezkongabeak       | 1.113                 | 85,7         | 2.226                                          | 91,2         | 1.257                                                 | 87,0         |
| Alargunak         | 15                    | 1,2          | 9                                              | 0,4          | 8                                                     | 0,6          |
| Dibortziatuak     | 171                   | 13,2         | 207                                            | 8,5          | 180                                                   | 12,5         |

**Iturria: Eustat. Euskal AEko Ezkontzen Estatistika**

**Bizilekua Euskal AEn dutenen ezkontzak. Hileko datuak**



#### Informazio gehiago:

Eustat - Euskal Estatistika Erakundea / Instituto Vasco de Estadística  
 Donostia-San Sebastián, 1. 01010 Vitoria-Gasteiz  
 Prentsa zerbitzua: [servicioprensa@eustat.es](mailto:servicioprensa@eustat.es) Tel.: 945 01 75 62  
 Euskal AEko EZKONTZEN ESTATISTIKARI buruzko prentsa-ohar gehiago  
 Euskal AEko EZKONTZEN ESTATISTIKARI buruzko datu-bankua